



Broj: 04-40-1-119/25
Sarajevo, 30.04.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 29.04.2025. do 08:30 sati 30.04.2025. godine

Nakon što je jučer u 19:04 sati Policijska stanica Stari Grad izvijestila da je u Miljacku, kod brane Bentbaša, upala odrasla muška osoba, iz ovog Centra (KOC KUCZ) je upućen poziv GSS – stanica Sarajevo da upute svoje ekipe radi pronalaska i izvlačenja unesrećenog. Ekipe su u najkraćem mogućem roku upućene na lice mjesta. Unesrećeni je izvučen živ oko 20:00 sati i predat medicinskim ekipama Hitne pomoći.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 9 intervencija: jednu intervenciju na gašenju kontejnera sa smećem, šest intervencija obezbjeđenja (pet pretakanja goriva na Aerodromu i jedan javni događaj) i dvije tehničke intervencije (otvaranje zaglavljenih vrata stana i asistencija u izvlačenju osobe iz rijeke Miljacke).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infarstrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 29.04.2025. godine, utvrdili su slijedeće stanje:

1. Lokalitet "Curine njive" (Opština Istočni Stari Grad / Općina Stari Grad Sarajevo – Bostarići)

· Uočene su ozbiljne geološke promjene, uključujući formiranje pukotina uslijed pomjeranja tla, koje se kontinuirano šire i produbljuju.

- Uočeno je prisustvo podzemnih voda, što dodatno destabilizira tlo, stvarajući plavne površine i uzrokujući eroziju prema stambenim objektima u ulici Ablakovina.

- Lokalitet se smatra najkritičnijim zbog dinamičnih geoloških promjena, što zahtijeva intenzivni nadzor.

2. Lokalitet "Knjeginjac" (Opština Istočni Stari Grad)

- Nije zabilježeno novo odlaganje građevinskog materijala, ali je uočeno slijeganje postojećeg deponijskog materijala uz početne znakove erozije.

- Lokalitet je pod stalnim nadzorom Službe civilne zaštite.

- Opština Istočni Stari Grad završila je izgradnju pristupnog puta do lokaliteta "Curine njive", a trenutno se izvode radovi na drenažnim kanalima radi odvoda površinskih voda i stabilizacije terena.

3. Lokalitet "Bistrički potok" (Opština Stari Grad Sarajevo – Boguševac / Opština Istočni Stari Grad)

- Korito potoka i dalje je djelimično zatrpano zemljano-kamenim materijalom i obrušenim stablima.

- Nisu zabilježene nove degradacije, niti su, od strane Opštine istočni Stari Grad, poduzete mjere za uklanjanje postojećih prepreka.

- Provođi se kontinuirani terenski nadzor radi otkrivanja potencijalnih opasnosti i sprječavanja daljnje destabilizacije.

4. Evakuacija stanovništva sa ugroženih područja

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024.godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 9 °C, vlažnost zraka 76 %, barometarski pritisak 949,3 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Povodom Međunarodnog praznika rada večeras od ponoći do 02.05. do 24:00 sati zabranjen je prevoz eksplozivnih materija u Bosni i Hercegovini.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA**

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a